

# 珍珠囊補遺藥性賦

元 真定 李 杲東垣原編

吳門 王子接晉三重訂

鄞縣 曹赤電炳章校點

## 卷一

### 主治指掌

羌活君 雄 獨 活 氣 細

羌活味苦甘平。性微溫無毒。升也。陰中之陽也。其用有四。散肌表入風之邪。利周身入節之痛。排陰陽肉腐之疽。除新舊風濕之證。乃手足太陽表裏引經藥也。

升麻形細而黑極堅者佳 形大者味薄不堪用

升麻味苦平。性微寒無毒。升也。陰中之陽也。其用有四。引葱白散手陽明之風邪。引石膏止足陽明之齒痛。引諸藥遊行四經。升陽氣於至陰之下。因名之曰升麻。

柴胡半夏為之使 惡石 莢畏女萎 藜蘆

柴胡味苦平。性微寒無毒。升也。陰中之陽也。其用有四。左右兩旁脇下痛。日晡潮熱往來生。在藏調經內主血。在肌主氣上行經。手足少陽表裏四經之藥也。

白芷臣 當歸為之 使 惡旋覆花

白芷味辛。性溫無毒。升也。陽也。其用有四。去頭面皮膚之風。除皮膚燥癢之痺。止足陽明頭痛之邪。為手太陰引經之劑。

防風臣 惡乾薑 藜蘆 白 花制 附子 毒

防風味甘辛。性溫無毒。升也。陽也。其用有二。以氣味能瀉肺金。以體用通療諸風。當歸臣 海藻 惡熱 欬 畏菖蒲

當歸味甘辛。性溫無毒。可升可降。陽也。其用有四。頭止血而上行。身養血而中守。梢破血而下流。全活血而不走。

獨活枳實為 之使

獨活味甘平。性微溫無毒。升也。陰中之陽也。其用有二。諸風掉眩。頸項難伸。風寒濕痺。兩足不用。乃為足少陰之引經。

木香君

木香味苦辛。性溫無毒。降也。陰也。其用有二。調諸氣不可無。洩肺氣不可缺。

檳榔君

檳榔味苦辛。性溫無毒。降也。陰也。其用有二。墜諸藥。性若鐵石。治後重。驗如奔馬。

吳茱萸惡丹參硝石畏紫石英先以湯浸去辛味凡六七次然後可用

吳茱萸味苦辛。性熱有小毒。可升可降。陽也。其用有四。咽嗌寒氣噎塞而不通。胸中冷氣閉塞而不利。脾胃停冷腹痛而不住。心氣刺疼成陣而不止。

藿香葉

藿香葉味甘。性溫無毒。可升可降。陽也。其用有二。開胃口。能進飲食。止霍亂。仍除嘔逆。

川芎

川芎味辛。性溫無毒。升也。陽也。其用有二。上行頭角。助元陽之氣而止痛。下行血海。養新生之血以調經。

黃連臣 惡菊芫花芫花玄參 畏款冬勝烏頭巴豆毒

黃連、味苦。性寒無毒。沉也。陰也。其用有四。瀉心火。消心下痞滿之狀。主腸澼。除腸中混雜之物。治目疾暴發。宜用。療瘡瘍首尾俱同。

黃芩臣 砂 牡 丹 蘇 蘆  
惡慈實畏

黃芩、味苦平。性寒無毒。可升可降。陰也。其用有四。中枯而飄者。瀉肺火。消痰利氣。細實而堅者。瀉大腸火。養陰退陽。中枯而飄者。除風濕留熱於肌表。細實而堅者。滋化源退熱於膀胱。

大黃使 無 所 畏 之  
黃芩為之

大黃、味苦。性寒無毒。其性沉而不浮。其用走而不守。奪土鬱而通壅滯。定禍亂而致太平。因名之曰將軍。

黃蘗

黃蘗、味苦。性寒無毒。沉也。陰也。其用有五。瀉下焦隱伏之龍火。安上焦虛噦之蚘蟲。臍下痛則單製而能除。腎不足必炒用而能補。痿厥除熱藥中。誠不可闕。

玄明粉

玄明粉、味辛甘酸。性微溫無毒。沉也。陰也。其用有二。去胃中之實熱。蕩腸中之宿

垢其效不可盡述。大抵用此而代益硝也。

白朮君 替者米泔水浸白者陳壁 土炒服二朮忌食桃李雀蛤

白朮味甘性溫無毒。可升可降。陽也。其用有四。利水道有除濕之功。強脾胃有進食之效。佐黃芩有安胎之能。君枳實有消痞之妙。

人參君 茯苓為之使反藜蘆 惡鹹鹵凡使去淨蘆頭

人參味甘性溫無毒。升也。陽也。其用有三。止渴生津液。和中益元氣。肺寒則可服。肺熱還傷肺。

黃耆 惡龍甲白蘚 皮蜜炒用

黃耆味甘性溫無毒。升也。陽也。其用有四。溫肉分而實腠理。益元氣而補三焦。內托陰證之瘡瘍。外固表虛之盜汗。

甘草君 惡遠志反大戟芫花甘遂海 藻用宜去節服此忌豬肉及菘菜

甘草味甘平無毒。生之則寒。炙之則溫。生則分身梢而瀉火。炙則健脾胃而和中。解百毒而有效。協諸藥而無爭。以其甘能緩急。故有國老之稱。

半夏使 畏皂莢惡雄黃生薑 乾薑秦皮龜甲反烏頭

半夏味辛平。生寒熟溫。有毒。降也。陽也。其用有四。除濕化痰涎。大和脾胃氣。痰厥及頭疼。非此莫能治。

陳皮

陳皮味辛苦。性溫無毒。可升可降。陽中之陰也。其用有二。留白補胃和中。去白消痰泄氣。

青皮

青皮味苦。性寒無毒。沉也。陰也。其用有四。破滯氣愈低而愈效。削堅積愈下而愈良。引諸藥至厥陰之分。下飲食入太陰之倉。

枳殼使去瓢殼

枳殼味酸苦。性微寒無毒。沉也。陰也。其用有四。消心下痞塞之痰。泄腹中滯塞之氣。推胃中隔宿之食。削腹內連年之積。

枳實臣凡用先去

枳實味苦酸。性微寒無毒。沉也。陰也。其用有四。消胸中之虛痞。逐心下之停水。化日久之稠痰。削年深之堅積。

桔梗臣畏白芨  
龍眼龍膽

桔梗味苦。辛性微溫。有小毒。升也。陰中之陽也。其用有四。止咽痛。兼除鼻塞。利膈氣。仍治肺癰。一為諸藥之舟楫。一為肺部之引經。

知母君經上頸酒炒用  
勿犯鐵器行

知母味苦。性寒無毒。沉也。陰中之陰也。其用有四。瀉無根之腎火。療有汗之骨蒸。止虛勞之陽勝。滋化源之陰生。

藁本臣畏青蘘茹  
惡藷茹

藁本味苦辛。性微溫無毒。升也。陰中之陽也。其用有二。大寒氣客於巨陽之經。苦頭疼流於顛頂之上。非此味不除。

生地黃

生地黃味甘苦。性寒無毒。沉也。陰也。其用有四。涼心火之血熱。瀉脾土之濕熱。止鼻中之衄熱。除五心之煩熱。

熟地黃君惡貝母畏蕪荑忌鐵器犯之  
令人腎消亦忌食葷葷令人髮白

熟地黃味甘苦。性溫無毒。沉也。陰也。其用有四。活血氣。封填骨髓。滋腎水。補益真

陰。傷寒後腰骨最痛。新產後臍腹難禁。

五味子 君 蕤荈為之使 惡姜 藜勝烏頭

五味子。味酸。性溫無毒。降也。陰也。其用有四。滋腎經不足之水。收肺氣耗散之金。除煩熱。生津止渴。補虛勞。益氣強陰。

川烏

川烏。味辛。性熱有毒。浮也。陽中之陽也。其用有二。散諸風之寒邪。破諸積之冷痛。

白芍藥 臣 惡石斛畏硝 小蘗反 藜蘆

白芍藥。味酸平。性寒有小毒。可升可降。陰也。其用有四。扶陽氣。大除腹痛。收陰氣。陡健脾經。墮其胎。能逐其血。損其肝。能緩其中。

白茯苓 臣 惡醋 酸之物 中有筋 最損目 宜去之 白 蘇密蒙地榆雄黃秦芫龜甲

白茯苓。味甘淡。性溫無毒。降也。陽中之陰也。其用有六。利竅而除溼。益氣而和中。小便多而能止。大便結而能通。心驚悸而能保。津液少而能生。白者入壬癸。赤者入丙丁。

澤瀉 君



澤瀉味甘鹹。性寒無毒。降也。陽中之陰也。其用有四。去胞垢而生新水。退陰汗而止虛煩。主小便淋澀為仙藥。療水病濕腫為靈丹。

薄荷葉使

薄荷葉味辛。性涼無毒。升也。陽也。其用有二。清利六陽之會首。祛除諸熱之風邪。

麻黃臣三沸惡辛黃石葦凡用先煮去黃沫否則令人煩悶

麻黃味苦甘。性溫無毒。升也。陰中之陽也。其用有二。其形中空。散寒邪而發表。其節中閉。止盜汗而固虛。

厚朴臣入藥惡穢去粗皮生薑汁炒用

厚朴味苦辛。性溫無毒。可升可降。陽中之陽也。其用有二。苦能下氣。去實滿而消腹脹。溫能益氣。除濕滿散結調中。

杏仁惡黃芩黃耆葛根凡用去皮尖煨炒

杏仁味苦甘。性溫有毒。可升可降。陰中之陽也。其用有二。利胸中逆氣而喘促。潤大腸氣閉而難通。

巴豆使黃連惡甘草畏大黃用之去皮心

巴豆味辛。性熱有大毒。浮也。陽中之陽也。其用有二。削堅積。蕩臟腑之沉寒。通閉塞。利水穀之道路。斬關奪門之將。不可輕用。

黑附子 地膽為之使惡蜈蚣畏防風黑豆甘草黃耆人參烏韭

黑附子味辛。性熱有大毒。浮也。陽中之陽也。其性浮而不沉。其用走而不息。除六腑之沉寒。定三陽之厥逆。

蒼朮

蒼朮氣味主治與白朮同。補中除濕。力不及白。寬中發汗。功過於白。

秦艽 葛蒲為之使

秦艽味苦辛平。性微溫無毒。可升可降。陰中之陽也。其用有二。除四肢風濕若神。療遍體骨疽如金。

白僵蠶

白僵蠶味鹹辛平。性微溫無毒。升也。陰中之陽也。其用有二。去皮膚風動如蟲行。主面部黥生如漆點。

白豆蔻

白豆蔻。味辛。性溫無毒。升也。陽也。其用有四。破肺中滯氣。退口中臭氣。散胸中冷氣。補上焦元氣。

地榆

地榆。味苦甘酸。性微寒無毒。沉也。陰也。其用有二。主下部積熱之血痢。止下焦不禁之月經。

連翹使

連翹。味苦平。性微寒無毒。升也。陰也。其用有二。瀉諸經之客熱。散諸腫之瘡瘍。

阿膠君 畏 大黃

阿膠。味甘平。性微溫無毒。降也。陽也。其用有四。保肺益金之氣。止嗽蠲咳之痰。補虛而安妊胎。治痿而強骨力。

桃仁

桃仁。味苦甘平。性寒無毒。降也。陰也。其用有二。潤大腸血閉之便難。破大腸久蓄之血結。

生薑使 惡黃芩黃連鼠糞去皮 熱留皮則冷製半夏毒

生薑味辛性溫無毒升也陽也其用有四製半夏有解毒之功佐大棗有厚腸之益溫經散表邪之風益陽止翻胃之噦

石膏

石膏味辛甘性大寒無毒沉也陰也其用有二制火邪清肺氣仲景有白虎之名除胃熱奪甘食易老有大寒之劑

桂君用刮去外皮忌生慈凡

桂味辛性熱有毒浮也陽中之陽也氣之薄者桂枝也氣之厚者肉桂也氣薄則發洩桂枝上行而發表氣厚則發熱肉桂下行而補腎此天地親上親下之道也

細辛臣性畏硝石滑石反藜蘆惡狼毒山茱萸黃

細辛味辛性溫無毒升也陽也其用有二止少陰合病之頭痛散三陽數變之風邪

梔子

梔子味苦性大寒無毒沉也陰也其用有二療心中懊懣顛倒而不得眠治臍下血滯小便而不得利易老有云輕飄而象肺色赤而象火又能瀉肺中之火

葛根臣制野葛

葛根味甘平。性寒無毒。可升可降。陽中之陰也。其用有四。發傷寒之表邪。止胃虛之消渴。解中酒之奇毒。治往來之溫瘧。

栝蒌根枸杞為之使惡乾

栝蒌根味苦。性寒無毒。沉也。陰也。其用有二。止渴退煩熱。補虛通月經。

豬苓

豬苓味淡甘平。性溫無毒。降也。陽中之陰也。其用有二。除濕腫。體用兼備。利小便。氣味俱長。

乾薑臣惡黃

乾薑生則味辛。炮則味苦。可升可降。陽也。其用有二。生則逐寒邪而發表。炮則除胃冷而溫中。

草龍膽實衆為之使惡防葵地黃

草龍膽味苦。性寒無毒。沉也。陰也。其用有二。退肝經之邪熱。除下焦之濕腫。

蘇木

蘇木味甘鹹平。性寒無毒。可升可降。陰也。其用有二。破瘡瘍死血。非此無功。除產後敗血。用之立驗。

杜仲惡蛇蛻支參凡用炒去絲

杜仲味甘辛甘平。性溫無毒。降也。陽也。其用有二。強志壯筋骨。滋腎止腰痛。酥炙去其絲。功效如神應。

天門冬君去皮心忌食鯉魚凡用

天門冬味苦平。性大寒無毒。降也。陰也。其用有二。保肺氣不被熱擾。定喘促。陡然康寧。

麥門冬君參凡用抽去心不令人煩

麥門冬味甘平。性寒無毒。降也。陽中之陰也。其用有四。退肺中隱伏之火。生肺中不足之金。止燥煩。陰得其養。補虛勞。熱不能侵。

木通

木通味甘平。性寒無毒。降也。陽中之陰也。其用有二。瀉小腸火積而不散。利小便。熱閉而不通。瀉小腸火。無他藥可比。利小便。閉與琥珀同功。

地骨皮去骨用根皮

地骨皮。味苦平。性寒無毒。升也。陰也。其用有二。療在表無定之風邪。主傳屍有汗之骨蒸。

桑白皮

桑白皮。味甘。性寒無毒。可升可降。陽中之陰也。其用有二。益元氣不足而補虛勞。瀉肺氣有餘而止咳嗽。

甘菊花野菊花味苦者名苦蕒大傷胃不宜用又白菊花亦入藥

甘菊花。味苦甘平。性微寒無毒。可升可降。陰中之陽也。其用有二。散八風上注之頭眩。止兩目欲脫之淚出。

紅花

紅花。味辛。性溫無毒。陽也。其用有四。逐腹中惡血。而補血虛之血。除產後敗血。而止血暈之暈。

赤石脂

赤石脂。味甘酸。性溫無毒。降也。陽中之陰也。其用有二。固腸胃有收斂之能。下胎

衣無推蕩之峻。

通草臣

通草味甘平。性微寒無毒。降也。陽中之陰也。其用有二。陰竅澀而不利。水腫閉而  
不行。澀閉兩俱立驗。因有通草之名。

烏梅

烏梅味酸平。性溫無毒。可升可降。陰也。其用有二。收肺氣除煩止渴。主洩痢調胃  
和中。

川椒

川椒味辛。性大熱有毒。浮也。陽中之陽也。其用有二。用之於上。退兩目之翳膜。用  
之於下。除六腑之沉寒。

萋蕤

萋蕤味甘平。性溫無毒。降也。陽中之陰也。其用有四。風溼四肢不用。淚出兩目皆  
爛。男子溼注腰疼。女子面黑斷點。皆能療治。

秦皮 大戟爲之使 惡吳茱萸



秦皮、味苦。性寒無毒。沉也。陰也。其用有四。風寒邪合濕成痺。青白色幻翳遮睛。女子崩中帶下。小兒風熱驚癇。

### 白頭翁

白頭翁、味苦。性溫無毒。可升可降。陰中之陽也。其用有四。消男子陰疝偏腫。治小兒頭禿羶腥。鼻衄非此不效。痢赤全賴收功。

### 牡蠣

牡蠣、味鹹平。性寒無毒。可升可降。陰也。其用有四。男子夢寐遺精。女子赤白崩中。榮衛往來虛熱。便滑大小腸同。

### 乾漆

臣 畏雞子又忌油脂見蟹黃則化水凡入藥搗碎妙用

乾漆、味辛平。性溫有毒。降也。陽中之陰也。其用有二。削年深堅結之沉積。破日久秘結之瘀血。

### 南星

南星、味苦辛。性溫有毒。可升可降。陰中之陽也。其用有二。墜中風不省之痰毒。主破傷如屍之身強。